

陳无咎明教方



黃溪方案第一種
黃元白署



中華民國十五年秋九月初版

陳氏醫壘第三輯黃溪方案第一種定價銀洋 圓



著 者 義 烏 陳 无 咎

發 刊 者 丹 溪 學 社

校 勘 者 丹 大 文 書 部

總 發 行 所 上 海 丹 溪 大 學 院

文書校勘部啓事○黃溪先生醫壘叢書百餘萬言均將次第刊行版權所有不得複印學說發明不得剽襲如需引證須注出原書倘頑鈍無恥私爲已說者當在醫衡上發表指斥特此聲明

明教方自序

余行年三十、讀張涅陽傷寒論、方而好之、越五年、讀劉河間宣明論、方、抑復好之、夫余弱冠習醫、於仲景傷寒金匱、河間三書六書、早已耳熟能詳、口沫欲濺矣、何以至十年十五年後、方始好之深而思之切歟、則余敢自矢曰、學識經驗、互相平衡也、今日中國研究漢醫者、當以余爲最驚、蟄處滬濱、蹄涔軒冕、鏗而不舍、每忘寢食、俯視時醫、直腳底下泥耳、職是之故、不特業南醫者畏余如蝎、即從余游者、亦視余如龍、以爲不可攀仰、馴而自暴自棄、誨彼諄諄、而聽我藐藐、吳醫之毒、中於人心、殆不可救藥矣、且吳本無醫、有之自安道始、然安道、魏博人也、流寓蘇崑、安道學醫於吾先師、所得者具體而微、尙不及戴元禮也、而吳醫直奉爲俎豆、宜其薄也、在安道之前、如東晉葛雅川、劉宋陶貞白、其學亦自成家、然惑於黃白之術、非經師也、先師垂訓曰、不明經術、難與言醫、假非其人、莫輕傳授、明清二代、蘇浙醫家、試問明經術者

誰乎、虞大氏王肯堂柯韻伯尤在涇之流、固庸中佼佼矣、然對內難、迨渺無發明也、徐靈胎薛一瓢、人格較高、葉香巖王孟英、神色卑下已、特其非經師、則一也、五百年來、南醫豈無一個差強人意者、蓋皆爲吳又可顧景文吳鞠通王孟英輩時醫所淆亂、不敢譚經、而溼溫溫熱之邪說、遂毒痛天下矣、彼時醫之徒、知崇葉王而不知循尤薛、何況涇陽河間哉、先師之學、出於河間河間之學、衍於仲景、上追靈素、宣明論方之作、乃當仁不讓之意、即吾先師脈因證治一書、比物比志也、從余游者、近不過三十人、縱此三十人、莫能傳吾道、又安見異日追隨杖履者、無先師之於太无、或元禮安道其人、含章有貞、發揮光大耶、因標於本案曰明教方、而翼教、弼教、朴教、將陸續出焉、論病必宗內經、制方必明本草、脈訣必參太素、村中無虎狗爲王、殆余今日之謂矣、

中華民國十五年九月黃溪陳无咎弁於上海丹溪學院

明教方目錄

- | | | | | |
|-------|-------|-------|-------|-------|
| 一痿厥 | 二寒變 | 三焦滿 | 四痲瘡 | 五瘞癩 |
| 六大僂 | 七陽并 | 八陰祕 | 九腸澀 | 十氣逆 |
| 十一大丁 | 十二頸瘦 | 十三俞薄 | 十四皴瘃 | 十五偏枯 |
| 十六瘡厥 | 十七薄厥 | 十八喝 | 十九筋痿 | 二十浮腫 |
| 二十一維代 | 二十二癰腫 | 二十三風瘡 | 二十四膜脹 | 二十五殮泄 |
| 二十六中滿 | 二十七不月 | 二十八頰疝 | 二十九膈 | 三十喘鳴 |
| 三十一陽剛 | 三十二鼻衄 | 三十三痺厥 | 三十四腫痛 | 三十五喉痺 |
| 三十六結消 | 三十七厥疝 | 三十八心痺 | 三十九肺痺 | 四十肝痺 |
| 四十一腎痺 | 四十二格陽 | 四三關陰 | 四四關格 | 四五腸辟 |
| 四六崩 | 四七結陰 | 四八汗 | 四九戴眼 | 五十脹閉 |
| 五一嘔逆 | 五二目貫 | 五三膝僂 | 五四舌卷 | 五五唾血 |
| 五六頭傾 | 五七折腰 | 五八視誤 | 五九氣恐 | 六十折髀 |

六一消中	六二心痛	六三脇痛	六四腸痛	六五喘
六六腦風	六七脾風	六八首風	六九行痺	七十痛痺
七一着痺	七二肉痿	七三脈痿	七四肺痿	七五胃癰
七六酒風	七七癩	七八痞痒	七九伏梁	八十厥逆
八一胞閉	八二胆痺	八三腎風	八四罷癰	八五心疝
八六肺疝	八七藏菹	八八肝癰	八九肺癰	九十瘕
九一石水	九二外鄣	九三肺虛	九四重實	九五重虛
九六血枯	九七脾衰	九八蠱	九九癘	壹百息積

右明教百方以實驗徵諸學理壹以內經爲標準所謂經方也經方有二
一遵六經而制方如傷寒論方是一循經病而制方如宣明論方是下此
者非經方也今醫何者爲經方何者非經方尙不能辨欲與之論案處方
明經佐治亦難矣哉內寅中秋无咎筆完

黃溪醫壘之六

黃溪方案
第一種 **明教方**

國醫陳无咎(易簡)著述

陳綏之兄痿厥證

主傷腎

素問四氣調神大論曰冬三月比謂閉藏逆之則傷腎春爲痿厥奉生者少又曰逆冬氣則少陰不藏腎氣獨沉○痿論曰腎氣熱則腰脊不舉骨枯而髓減發爲骨痿今六脈沉遲兩腎尤甚厥氣上逆骨痿不能起榻正合此證處方如左

乾地黃六錢細辛三分打

酒白芍五錢

骨碎補一錢

羌獨活各七分

炒當歸四錢

姜半夏

姜炒橘皮各錢半

吳萸地骨皮各三分

金止綱先生寒變證

主傷肝

素問四氣調神論曰春三月此謂發陳逆之則傷肝夏為寒變奉長者少又曰逆春氣則少陽不生肝氣內變○金匱真言曰長夏善病洞泄寒中

今六脈濡大肝獨雙絃筋節懈弛不任藏寒迴風食不消化應扶肝腎調脾胃蓋時當夏令正合此證

炒白芍一兩

姜炒橘皮四錢

姜厚朴

南木香

姜半夏

制菟絲子

正藿香

各一錢

炒扁豆五錢

佩蘭

樗白皮

煨訶子

炒肉蔻

炙甘草

各錢半

肉桂三分

煨姜一塊

陳偉基君焦滿證

主肺洩

國醫刺天谷長簡香齋

素問四氣調神論曰秋三月此謂容平收斂神氣使秋氣平無外其志使肺氣清逆

之則傷肺冬為殄泄奉藏者少又曰逆秋氣則太陰不收肺氣焦滿

今六脈絃細散在關外舌苔薄白面色不華筋絡懈弛右腳痠軟步履忽疼痰飲甚多是爲肺氣不收正合此證特今非冬令得免殮泄耳（詳見醫軌）宜四象湯加味

蒸百合錢半

青吉梗八分

乾山藥五錢

補骨脂一錢

當歸身五錢

茜草根一錢

生白芍八錢

炒柴胡五分

加五加皮錢半

升麻三分

羌獨活各五分

蒸續斷

炒佛手

破浙貝

各錢半

李上尉痲瘡證

主傷心

素問四氣調神論曰夏三月此謂蕃秀逆之則傷心秋爲痲瘡奉生者少又曰逆夏氣則太陽不長心氣內洞

今六脈沉寒而心藏虛芤曩歲夏間得病秋間變爲寒熱忽忽三載肌削面慘肢有

微汗、正合此證（按生氣通天論曰：因於露風，乃生寒熱，故脈要精微論云：久風爲寒熱）

炒橘皮四錢

姜半夏

正藿香

南木香

制香附

炒肉蔻

各一錢

炒白芍

炒當歸

炒扁豆

各五錢

北五味子一分

枸杞子三分

姜厚朴

熟棗仁

遠志肉

何首烏

各七八分

李金璽先生瘞痺證

主風熱

素問生氣通天論曰：蒼天之氣清淨，順之則陽氣固，陽氣者，欲如運樞（參考內經辨惑）失之則內閉九竅，外壅肌肉，汗出見溼，乃生瘞痺（王注：陽氣發泄，寒水制之，熱拂內蘊，鬱於皮裏，甚爲瘞痺，微作瘡，瘞風癰也）

今六脈肝脾浮絃，心肺弱小，頭面手掌均發風癰，病源由於沐浴受風，或處潮溼地

方更受風雨淫氣可祛痲湯

絲瓜絡

甘露籐

各二錢

茯苓皮

當歸頭

各四五錢

去梢防風

白芷

荆芥穗

羌活

威靈仙

各七八分

姜南星

大甘草

各一錢半

青吉更五分

鄭炳生君大僕證

主寒

素問生氣通天論曰陽氣者精則養神柔則養筋開闔不得寒氣從之乃生大僕（王注開謂皮腠發泄闔謂玄府閉封開闔失宜為寒所襲內深筋絡結固虛寒則筋絡拘縵形容僂俯矣靈樞經曰寒則筋急此其類也）今六脈沉寒至骨舌苔澹白胃氣不揚心藏萎弱病源由於風寒襲於肝腎不能外行因而入骨遂至脊椎彎曲督筋拘僂應辛以補肝溫以煨腎

炒當歸

酒白芍

乾地黃細辛五分打

炒橘絡

各五六錢

威靈仙

骨碎補

巴戟天

姜南星

各錢半

枸杞皮

真肉桂

各三五分

張氏子陽并證

主狂疾

素問四氣通天論曰陰不勝其陽則脈流薄疾并乃狂。王注薄疾謂極虛而急數也并謂盛實也狂謂狂走或妄攀登也陽并於四支則狂四支者諸陽之本陽盛則四支實能登高而歌熱盛於身故棄衣欲走也。○脈解篇曰所謂病至則欲乘高而歌棄衣欲走者陰陽復爭而外并於陽故使之棄衣欲走也。今六脈洪大急數寸關尤甚登高而歌棄衣欲走力大無窮數人不能縛此爲血虛氣并陽盛陰衰胃焦大實熱在肌裏應白虎加粉斛湯。

生石膏

鐵石斛

天花粉

絲瓜絡

杭甘菊

生地黄

生白芍

龍胆草

川黃連

生黃柏

肥知母

青黛茯神

小甘草

袁大太陰秘證

主氣

黃連正氣

素問生氣通天論曰陽不勝其陰則五藏氣爭九竅不通（王注九竅者內屬於藏

外設為官故五藏氣爭則九竅不通九竅謂前陰後陰不通兼論上竅）

今六脈左絃革而右絃縵左腎沉寒婦人以左腎為命門合大腸與膀胱大腸失其

蠕動膀胱氣化不行其見證為額冷顙白小腹前後脹兩便時秘應啓肺通腸開腎

導膀胱非苦降之藥所能治也（前醫朱君專用苦降）

制兔絲餅

生薏仁

大麻仁

川鬱金

九節菖蒲

金石斛

白茯苓

炙沒藥

青吉更

絲瓜絡

黑芥穗佩蘭 升麻

加肉桂葱白為引

黃溪明教方

七

鄭秋鵬兄腸澼證

主傷腸胃

素問生氣通天論曰、聖人陳陰陽、筋脈和同、骨髓堅固、氣血皆從、因而飽食、筋脈橫解、腸澼爲痔、

痔漏一證、古名腸澼、有由於醉飽行房者、有由於溼熱蘊在腸胃者、而由於溼熱蘊畜者爲多、是比方簷雷積水、雖晴不乾、今脈象寸濇尺濡、與證相同、宜涼血滲溼厚腸清胃爲治、

當歸尾

生白芍

乾地黃

金石斛

生米仁

各五六錢

苦參

摳白皮

金櫻子

血餘炭

熟蒲黃

大甘草

各一二錢

黃連五分

梨彥之兄逆氣證

主傷飲

素問生氣通天論曰、因而大飲、則氣逆、(王注、飲多則肺布葉舉、故氣逆而上奔也、

余謂飲多則胃府擴張心囊動蹕因而氣逆也

今六脈肺胃虛芤心肝細絃飲酒過量因而胃府擴大心包氣洩大氣不舉背骨酸楚肝浮胆橫治在天突與七椎及上紀

粉葛根二錢 生扁豆五錢 天花粉 絲瓜絡

生白芍 各四錢 煨益智 白薏仁 藿香梗

忍冬花 各一錢 胆遠志 川黃連 蒸狗脊

小甘草 各五七分

范氏子大丁證 主藏熱

素問生氣通天論曰膏粱之變足生大丁受如持虛(參考內經辨惑)

今六脈脾獨洪絃餘皆沉着舌苔黃糙丁生唇上是脾絡明汁不足加之奉養太過脾不能受熱蘊成毒宜澤腴湯加味

杭甘菊

生薏仁

金石斛

生扁豆

甘露藤

天花粉各四錢

忍冬花

生白芍

蒲公英

夏枯草

各二錢

川黃連

小甘草

各七分

彭氏婦頸瘦證

主血瘀

素問生氣通天論陷脈爲癭留連肉腠

頸瘦一證由於心肝拂鬱血逆上行且頸項兩旁筋脈交造經血稽留不去久必凝瘀陷脈管入腠理潰爲癭癰高如破榴痛澈心肺若不急治勢益蔓延今脈象左寸關絃革與證相合可消癭飲（參考醫軌）

當歸頭

天生白芍

天花粉

茯苓皮

各四五錢

破浙貝

蒲公英

夏枯草

忍冬藤

石甘露

各二三錢

吉梗

炙沒藥

炙乳香

海藻

昆布

甘草

各一二錢

炒柴胡三分

黃氏女俞薄證

主驚駭

素問生氣通天論曰俞氣化薄傳為善畏及為驚駭

今六脈心肝動蹕餘皆沉遲舌苔明絳口啞不能言無故卒驚病由於風中肺俞誤

飲涼劑致寒氣深入薄於心藏應引血歸心疎邪轉舌

當歸身

硃茯神

姜橘絡

姜南星

辛夷

乾地黃細辛打

青吉更

天麻

樓參議皸座證

主汗閉

素問生氣通天論曰勞汗當風寒薄為皸鬱乃座

秋涼過勞汗出如漬淒風外薄玄府閉塞血液稽留因生粉刺應開汗空清肺葉

帶皮苓

酒白芍

各四錢

防風

浙貝

花粉

當歸頭

各錢半

桑白皮

荊芥

羌活

各五分

紅棗三枚姜一片

溫君偏枯證

主溼

素問生氣通天論曰汗出偏沮使人偏枯（參考內經辨惑）

今六脈濡濇、肝腎絃虛、舌苔厚膩、四肢僵痛、病源由於溼入脾絡、風閉汗空、應清絡去溼、行血去風、

當歸身

當歸頭

絲瓜絡

炒扁豆

漢防己

杭甘菊

各四錢

酒白芍八錢

威靈仙

羌獨活

各一錢

乾地黃五錢細辛三分打

佩蘭

南木香

各錢半

高冠昌丈煮厥證

主氣虛

素問生氣通天論曰陽氣者煩勞則張精絕、辟積於夏、使人煮厥（王注煩擾陽和）

素問生氣通天論曰、因於暑、體若燔炭、汗出而散、喝、汗煩則喘、靜則多言、（此段經文顛倒錯簡、余先後爲之重定、參考內經辨惑）

一

今六脈心藏脈搏絃數、餘則濡遲、腎更沉澹、舌苔澹絳、胃氣肺氣皆不揚、病源由於心藏熱度亢進、肺藏受迫、因而肺葉乾燥、所以痰中帶血、應生津潤肺、清血寧心、在西方稱此證爲熱射病、而傷寒論所謂太陽中喝者、卽此證也、（參考黃溪校議）

白茯苓

杭甘菊

土血天花粉

乾地黃

各四五錢

生白芍

鐵石斛

各三錢

生側柏

破麥冬

蓮花鬚

各一錢

美刺苴

美南泉

米炒黃芩

劉君筋痿證

主溼熱

素問生氣通天論曰、因於溼、首如裹、溼熱不攘、大筋縲短、小筋弛長、縲短爲拘、弛長爲痿、（王注大筋受熱、則縮而短、小筋得溼、則引而長、縮短故拘、弛而不伸、引長故

痿弱而無力、攘除也、短縮也、弛引也、

今六脈濡牢、而肝腎虛耗、舌苔厚膩、胃氣不揚、舌漲而大、心包失鞏、溼氣上攻、則頭

痛如劈、血氣中竭、則筋脈萎弛、姑以行血去溼、活絡清心為治、

湘結生白芍二兩、又曰神當歸頭、益母草、生薏仁、白茯苓、

漢防己、天麻、絲瓜絡、乾地黃、各四五錢、羌活、

威靈仙、煨雲母、主寒、茜根炭、各一錢半、

粉萹藤、澤蘭、五加皮、甘草梢、各一錢、

活絡丹一粒、天升、桑白皮、

金縷臣浮腫證、主氣、

素問生氣通天論曰、因於氣為腫、起居如驚、神氣乃浮、(參考內經辨惑)

今六脈虛絃而濡、舌苔厚膩、脾胃空虛、濕入絡隘、久之成為溼腫、肺氣不行、若用宜

化、則濕反入脈中、致溼血並行、睡眠驚恐、應啓肺通腸、清脾去溼、用存元氣、（前醫沈君專用宣化）

絲瓜絡

金石斛

黃木通

辰茯神

帶皮苓

生薏仁

各四錢

天花粉八錢

桑白皮

粉萹也

澤佩蘭

各錢半

雞內金粉七分

黃龍章維代證

主寒

素問生氣通天論曰、因於寒、四維相代、陽氣乃竭、（四維者、陽維、陰維、陽蹻、陰蹻也、脈訣曰、代則氣衰、又曰、脈代則死、是蓋氣血暴損、真陽將絕、故其變爲寒戰也、王注誤、此章句亦應重定、）
脈象促代、兩腎沉着、舌縮蒼乾、色兼灰白、音沉不能言、足枯不能直、藏爲寒痼、府復氣衰、形神俱戰、擬肉骨和陽湯、

炒當歸

酒白芍

乾地黃細辛打

各四錢

姜附片

補骨脂

巴戟天

熟棗仁

鹽杜仲

人參鬚

各錢半

真肉桂

鹿茸各五分

煨姜三片

紅糖五錢

素問劉鄭縫工癰腫證

主血鬱

素問生氣通天論曰營氣不從逆於肉理乃生癰腫（王注營逆則血鬱血鬱則熱聚為膿故為癰腫也正理論曰熱之所過則為癰腫）

今風府生癰紅腫炊痛正是血鬱上逆俗名對口此處與人迎相對潰爛則脈斷脰裂而死宜一物石籐飲

石蟄龍藤四兩煎濃汁頻頻飲之一劑輕三劑已（此物為本草所無係著者近歲發明能治一切癰腫不問陰陽其清血解毒之功生肌復脈之効真上上品也）

素問雷君風瘡證

主汗閉

風熱

素問生氣通天論曰、魄汗未盡、形弱而氣燥、穴俞以閉、發為風瘧、

今六脈左關單絃似水、右寸浮緊而牢、病源由於暑汗未止、形弱氣虛、風寒相薄、閉

住客邪、邪正交爭、因成寒熱、此經所謂風瘧也、

藥而姜炒橘皮、子雞姜半夏

炒白芍

南木香

羌活

今風正藿香、子雞炒柴胡、子雞土輭防風、子雞何首烏、子雞桂生甘草、子雞

棗欬加姜棗、子雞主寒溼、子雞

素問玉黃翁臙脹證、子雞主寒溼、子雞

素問陰陽應象大論曰、陽化氣、陰成形、寒氣生濁、濁氣在上、則生臙脹、王注寒氣

在上、則氣不散、○陰陽別論曰、陰陽結斜、多陰少陽、曰石水、少腹腫、又曰、三陰結

謂之水、子雞

今六脈左部雙絃而革、右部單絃亦革、舌剝無苔、舌為心苗、病由溼氣上行、因治不

得法變爲單腹鼓應先護心及調和胃氣再議其他

今六漢防己 瓜絡 天花粉 炒米仁 各四五錢

乳香沒藥 槐蕊 草也 佩蘭 檳榔 各錢半

木通 二錢 姜黃連五分 肉桂三分

凌伯麟兄殮泄證 主腸薄

素問陰陽應象大論曰寒極生熱熱極生寒熱氣生清清氣在下則生殮泄○脈要

精微論曰久風爲殮泄

今六脈遲緩舌苔薄白微黃藏寒府熱腎陽失飪腸壁虛薄脾胃相違因而殮泄所

謂完穀不化者卽此證也應煨腎厚腸

制菘絲子 煨益智 煨訶子 炒白芍 姜厚朴

南木香 炒扁豆 炒黃連 生姜

徐咨議中滿證

主藏實

素問陰陽應象大論曰中滿者寫之於內（王注陰實則宣寫蓋中滿為寒脹脾胃虛寒飲食不消亦有寒兼容熱而兩便不利者）

炒荳蔻

正藿香

南木香

煨枳實

炒佛手

白茯苓

姜黃連

姜厚朴

澤瀉

肉菓

余郭氏不月證

主心脾

素問陰陽別論曰二陽之病發心脾有不得隱曲女子不月（王注二陽謂陽明大腸胃脈也隱曲謂隱蔽委曲之事也腸胃發病心脾受之心受之則血不流脾受之則味不化血不流故女子不月脾不化則男子少精）
今六脈心腎沉遲脾胃虛羸心沉則血枯腎遲則骨疼脾虛則任傷胃羸則衝弛應補心腎而扶脾胃

當歸身

熟棗仁

茜草根

制菟絲子

炒杜仲

焦於朮

炒香附

炒白芍

酥龜板

乾地黃

沙苑蒺藜

澤蘭

歐君頹疝證

主寒簿

南木香

素問陰陽別論曰三陽為病發寒熱其傳為索澤其傳為頹疝

今六脈左尺沉響而寸關絃濡右上下單絃而關作左右彈服滲濕劑脈象變遷

九加堅腎囊皮腫是為寒溼相搏應散簿湯（參考醫軌）

炒白芍

土茯苓

炒薏仁

鹽炒絲瓜絡

各四錢

炒橘絡

姜南星

姜竹茹

各錢半

炒橘核

炒青皮

炒川練子

各七分

小茴香五分

炒荔枝打破七枚

黃溪明教方

三十一

李吳氏隔證

主焦胆

素問陰陽別論曰、一陽發病、少氣善咳善泄、其傳為心掣、其傳為隔、(王注、一陽謂三焦胆脈也、胆氣乘胃故善泄、三焦內病故少氣、陽上熏肺故善咳、心火內應也、)今六脈左寸絃數、右寸虛芤、關尺代結、心虛火動、胆汁日枯、胃氣日薄、肝氣以津、脾藏失運、肺氣不陽、遂成為隔、飲食不消、噦氣白逆、應平肝胆、而扶脾胃、可還胆通、隔湯加減、(參考醫軌)

炒白芍

廣陳皮

姜半夏

炒枳實

姜厚朴

炒當歸

龍胆草

姜黃連

姜竹茹

南木香

黃木通

王翁喘鳴證

主自汗

素問陰陽別論曰、陰爭於內、陽擾於外、魄汗未藏、四逆而起、起則黑肺、使人喘鳴、(

王注、陰鼓不已、陽氣勝之、兩氣相持、內爭外擾、流汗不止、手足反寒、熱攻於肺、使人喘鳴、其說少晦、
今六脈濡數、絃虛無定、舌苔乾絳、舌爲心苗、肺津焦枯、心液外洩、津枯血燥、則陰氣不藏、液洩汗流、則陽氣日薄、骨肉瘦削、形神兩疲、可祕旨歛喘湯、

北五味

熱棗仁

胆汁遠志筴

青吉更

白茯神

補骨脂

蒸百合

杭甘菊

枸杞子

趙君陽剛證

主血淖

素問陰陽別論曰、剛與剛、陽氣破散、陰氣消亡、淖則剛柔不和、經氣乃絕、（王注、淖

血淖也、）

今六脈洪大而散、舌脹而粗、血輪狂熱、上攻頭面、粒粒起粟、是爲血淖、病由君火相火互相牽引、重陽必燔、重剛必灼、陽苦有餘、陰常不足、此之謂也、應和血涼血爲治、

大且生白芍

懷牛膝

生地黄

天花粉

熱蒲黃

今六丹參大如指苦硃茯神

苦參

小甘草

血氣劉岐山兄鼻衄證

主肺熱

素問金匱真言曰春善病衄衄又曰冬不按蹻春不衄衄一王注陽氣上升重熱重

肺肺通於鼻衄謂鼻中水出衄謂鼻中血出一

向來血熱一陽萌動因而鼻衄應涼血寫肺為治

生側柏

桑白皮

劉主管痺厥證

主寒

素問金匱真言曰冬善病痺厥一王注血象於水寒則水凝以氣薄流故為痺厥一

今六脈沉着心肝不揚年高血衰氣機不旺時屆隆冬營衛寒薄厥痺雜合有如中

風應和血理氣煖藏祛寒

炒當歸

酒白芍

川芎

姜炒橘皮

姜半夏

威靈仙

羌獨活

姜附片

肉桂

防風

乾地黃細辛打

高良姜

巴戟天

陳木工腫痛證

主風熱

素問陰陽應象大論曰寒傷形熱傷氣氣傷痛形傷腫故先痛而後腫者氣傷形也
 先腫而後痛者形傷氣也風勝則動熱勝則腫（王注氣傷則熱結於肉分故痛形
 傷則寒薄於皮膚故腫熱勝則陽氣內鬱故洪腫暴作甚則榮氣逆於肉理聚為癰
 膿左傳醫和曰風淫末疾即此義也）

今左手背腫大如饅首先痛而後腫是謂氣傷形乃用力太過熱結肉理俗名塔掌
 風即此證也應和血去風柔筋退腫

生白芍一兩

炙沒藥

炙乳香

各二錢

羌活一錢

石蟄龍籐一兩

陳科長喉痺證

主心焦

素問陰陽別論曰一陰一陽結謂之喉痺（王注一陰謂心主之脈一陽謂三焦之脈也三焦心主脈並絡喉氣熱內結故爲喉痺）

今六脈心焦絃數餘亦虛絃舌苔黃膩不化喉中見痺飲食阻痛應清關飲

炒僵蠶去嘴

青黛

黃芩

馬勃

防風

各三五分

天花粉

絲瓜絡

白茯苓

各四五錢

吉更

元參

忍冬籐

破麥冬

各錢半

外用豬牙皂

硼砂

胆礬

鬱金

各五分

冰片三分

研末用葱管吹蝕處

吳氏子結消證

主胃大腸

素問陰陽別論曰、二陽結謂之消、（王注、二陽結謂胃與大腸熱結也、腸胃熱結則喜消水穀、）
今六脈左尺右關、皆洪實無倫、舌苔黃乾、津液枯竭、右尺之裏爲大腸部位、右關之裏爲胃府部位、肌肉瘦削、大便不暢、而消穀善饑、俗名消食勞、即此證也、但勞有虫、而本病無虫、應和胃潤腸、可斛粉三仁湯、

金石斛

天花粉

生白芍

杭甘菊

柏子仁

大麻仁

各五六錢

郁李仁

炒枳實

擯郎

各錢半

南木香

炒將手

藿香

谷一錢

司徒小兒厥疝證、胃弱、主脾腎肉、酸黃五合、地盤宜、門、

素問五藏生成論曰、黃脈之至也、大而虛、有積氣在腹中、有厥氣、名曰厥疝、（王注、脈大爲氣、脈虛爲虛、既氣又虛、故脾氣積於腹中也、若腎氣逆上、則是厥疝、腎氣不

上則但虛而脾氣積也。又濕熱脾虛，中土苦習，脾並土，脾氣不揚，厥氣上逆，脾氣不引，腎氣下墮，卵囊漲大而硬，俗名木腎，增寒壯熱，皮肉頰黃，正合此證，宜巴絡湯。

胡蘆巴

南木香

炒佛手

藿香梗

各一錢

鹽炒絲瓜絡

姜炒橘皮

各二錢

姜南星

炒橋核

炒青皮

炒川練子

各七八分

炒扁豆

炒薏仁

而木各三錢，懸麻胃，吳萸葱白荔枝生姜為引。

寒濕胃張氏子心痺證，大動主心虛，善驚，谷冷，滑食，熱阻，吐衄，山出，發，赤。

素問五藏生成論曰：赤脈之至也，喘而堅，診曰有積氣在中，名曰心痺，得之外疾，思慮而心虛，故邪從之。（王注：喘謂脈至如卒喘狀也。余按：即雀啄或動蹕之象。）○痺論曰：心痺者，脈不通，煩則上下鼓暴，上氣而喘，益乾，善噫，厥氣，則恐，夜臥則驚。

今六脈沉遲、獨左寸動蹕、又如雀啄狀、舌苔乾燥、縮不欲伸、睡不欲醒、默不欲言、饑不欲食、病源由於思慮過度、卒受意外驚恐、是爲心藏痲痺證、若以爲傷寒、失之遠矣、（西方醫博視爲傷寒）可醒心湯、百合湯、

當歸身

五錢

炒白芍

六錢

藿香葉

明羌活

九節菖蒲

茜草根

生棗仁

空遠志

各七八分

硃茯神

炒柏子仁

乾地黃細辛打

當四錢

北五味、煨心、肉桂、細辛、各二分、當歸、補骨脂、羊脂、炒淫羊藿、各六錢、血石、枸杞子、三分、醋炙、白朮、土、藥、面、粉、土、血、手、其、倪氏婦肺痺證、急藥、主肺虛、

素問五藏生成論曰、白脈之至也、喘而浮、上虛下實、驚有積氣在胸中、喘而虛、名曰肺痺、寒熱得之、醉而使內也、（王注、喘爲不足、浮者、肺虛、肺不足、是爲心虛、上虛、則

下當滿實矣、不足故善驚、而氣積胸中矣、是心氣上乘、肺受熱而氣不得營、故名肺痺、而外為寒熱、又曰、酒味苦燥、醉甚入房、故心氣上勝於肺、○痺論曰、肺痺者、煩滿喘而嘔、又曰、溼氣喘息、痺聚在肺、

今六脈細絃、而右寸獨緊、且代關部、舌苔澹白、肺氣上壅、氣喘而促、下實上虛、毛孔澀澀、有如寒熱、心火攻肺、肺痺已成、若不急治、將淪勞瘵、應寧肺湯、

北五味一分

枸杞子

各三分

乾地黃細辛打

當歸身

生白芍

各四錢蒸

炒佛手

炒橘絡

姜南星

各錢半

破浙貝

破麥冬

蒸紫苑

補骨脂

各一錢

茜草根

蒸百合

各七分

歐汝霖先生肝痺證

主寒溼

素問五藏生成論曰、青脈之至也、長而左右彈、有積氣在心、下支胛、名曰肝痺、

寒溼與疝同法、腰痛足清頭痛、（王注、脈長而彈、是爲寒緊、又曰、脈緊爲寒、脈長爲溼、疝之爲病、亦寒溼所生、故言與疝同法也、寒溼在下、故腰痛、肝脈起於足上行至頭、與背脈會於巔、故病則足清而頭痛、清冷也、）○痺論曰、淫氣乏竭、痺聚在肝、今六脈肝部單絃似水、脾焦沉緩、舌苔絳白、相間成條、黃痰有時如絮、乃肝迴管之明汁、不能輸入胆囊、因而外吐、應扶脾絡、清肝扇、

姜炒橘絡

炒扁豆

炒佛手

各四錢

炒白芍五錢

木瓜絲瓜絡 姜半夏 破浙貝 姜竹茹 各錢半

今六遠志肉七分 姜汁黃連三分

按歐先生服此方後、病少間、嗣赴東洋、由日醫某博士診治、云本證名爲肺門浸潤、乃痰困於肝之左右、浸潤肺總脈管、雖少有出入、而其理則同也、又曰、

素問王李夫人腎痺證、主腎溼而大言、

素問五藏生成論曰、黑脈之至也、土堅而大、有積氣在小腹與陰、名曰腎痺、得之沐浴清水而臥、王注、上謂寸口也、腎主下焦、故氣聚於小腹及陰、又曰、溼氣傷下、自歸於腎、况沐浴而臥乎、○痺論曰、腎痺者、善脹、尻以代腫、脊以代頭、今六脈、左尺急沉、右寸洪大、溼入腎系、衝任失常、小腹下痞、接之有塊、左右能移、惟不甚痛、天晴稍佳、陰雨形見、是謂腎痺、得之沐浴而臥、非癥瘕也、擬鞏腎湯、

鹽炒絲瓜絡

姜炒橘絡

炒薏仁

茯苓皮

制菟絲餅

炒檳榔

黑芥穗

炒當歸鬚

炙沒藥

炙乳香

五靈脂

炒杜仲

澤蘭

肉桂

盛夫人格陽證

主府熱

一盛病在少陽

二盛病在太陽

三盛病在陽明

四盛以上

素問六節藏象曰、故人迎一盛、病在少陽、二盛病在太陽、三盛病在陽明、四盛以上為格陽、一人迎、左寸也、王注、一盛者、謂人迎之脈大於寸口一倍也、少陽、胆脈也、太

陽、膀胱脈也、陽明胃脈也、四倍已上、陽盛已極、故格拒而食不得入也、正理論曰、格則吐逆、

今六脈左寸洪大而絃、右寸洪芤而濡、舌苔中剝、肺管有溼、心包有水、胃氣上逆、兩便不調、肝火橫行、胆汁枯燥、是府熱而藏寒也、應寫肺寧心清肝還胆、

生白芍

硃茯神

絲瓜絡

白茯苓

大麻仁

各四錢

姜黃連

龍胆草

桑白皮

各五七分

炒佛手

炒橘絡

澤蘭

炒當歸

各二三錢

王印工關陰證

主溺閉

素問六節藏象曰、寸口一盛、病在厥陰、二盛、病在少陰、三盛、病在太陰、四盛以上、爲關陰、(王注、厥陰、肝脈也、少陰、腎脈也、太陰、脾脈也、四倍以上、陰盛已格、故關閉而洩不得通、正理論曰、閉則不得溺、)

今六脈左關尺洪大、右關尺洪、兩寸緊絃、舌苔乾絳、腹中絞痛、大便數天不至、小溲點滴俱無、是爲關陰、亦爲關閉、應以通爲和、宜五苓正氣複方、

白茯苓

白茯苓

豬苓

澤瀉

木通

杭甘菊

天花粉

蓮須

藿香

香薷

大麻仁

灸沒藥

澤蘭

關文關格證

主痰

素問六節藏象曰、人迎與寸口俱盛、四倍以上爲關格、關格之脈、羸不能格於天地之精氣、則死矣、靈樞曰、陰陽俱盛、不得相營、故曰關格、（王注、俱盛、謂俱大於平常之脈四倍也、物不可以久盛、格則衰敗、故不能格於天地之精氣而死、）
今六脈俱盛、倍於常脈數倍、痰塞氣逆、升之不得、降之不能、欲食不能食、欲飲不多飲、大便間有、小便短赤、上焦遏逆、下焦壅閉、氣機橫膈、名曰關格、爲最危急之候、况

年事既高，尤爲棘手。姑以二陳湯探吐法，希冀萬一。

炒陳皮

炒枳實

炒佛手

姜半夏

陳胆星

姜竹茹

破浙貝

括萎根

甘草節

水沉香

鄭君腸辟證

主氣虛

素問陰陽別論曰：陰陽虛腸辟死。王注：辟，陰也。胃氣不留，腸開勿禁，陰中不廩，是真氣竭絕，故死。（接全元起本，辟作澼，然此之腸辟，與生氣通天論所舉腸澼爲痔病證不同，彼爲澼洗，此爲辟易也，不可不辨。）○脈要精微論曰：倉廩不藏者，是門戶不要也。得守者生，失守者死。

霍亂愈後，腸胃未固，飲食不節，舊菌復活，因而腹痛下利，一夜數十次，色紅帶熱，應厚腸鞏胃爲守。

炒白芍二兩

南木香

炒佛手

各四錢

姜厚朴

擄白皮

各二錢

姜黃連

金櫻子

炒檳榔

各一錢

張氏婦崩證

主血虛

素問陰陽別論曰、陰虛陽搏謂之崩、(王注、陰脈不足、陽脈盛搏、則血流下而內崩、)坐蓐方竟、母子平安、誤服下藥、驟然血崩、所謂陰疑於陽、必戰也、切得六脈、大都洪芤、獨肝細絃、婦人以肝爲主、此肝虛也、不宜補氣、而宜扶肝、可大歸湯、

當歸身二兩

炒白芍一兩

茜根炭四錢

黑芥穗八分

酥龜板

補骨脂各五錢

馮芳錡先生結陰證

主便血

素問陰陽別論曰、結陰者、便血一升、再結二升、三結三升、(王注、陰主血、故二盛謂之再結、三盛謂之三結、) (接此與關陰病同而證異、治異而理同、所謂正負也、古之一升、合今一兩七錢四分、之則便血一升、大約寫血半碗也、)

今六脈雙絃而濡左尺洪大濡爲濕雙絃爲濕與血並行洪大爲濕血挾風左尺爲大腸部位故見證爲下血宜金蓮十三飲

金釵石斛

石蓮肉

炒當歸

天花粉

生白芍

土茯苓

炒米仁

各五六錢

苦參二錢

煨龍骨

樗白皮

血餘炭

金櫻子

各錢半

熟蒲黃

各五七分

濮氏婦汗證

主氣虛

素問陰陽別論陽加於陰謂之汗（王注陽在下陰在上陽氣在上陰能固之則蒸而爲汗）（按此說稍晦大汗之證有由氣虛誤表者如下麻黃是也亦有沉痾久病潮熱骨蒸下工誤以爲實熱與以涼劑因而虛虛大汗者陰陽應象大論曰陽之汗以天地之雨名之是爲陽氣在外宜曰陽爲陰格不能歸元蒸爲汗雨也）今六脈左微細而右虛芤舌苔澹白厥氣上逆汗出如雨恐防虛脫應與參附湯回

陽斂汗

高麗參一兩

姜附片五錢

五味子

肉桂

各一錢

炮姜一塊

唐小川總裁女公子戴眼證

主眞陽虛

素問診要經終論曰五月六月天氣盛地氣高人氣在頭又曰夏刺春分病不愈令人懈惰夏刺秋分肺俞在手病不愈令人心中心中欲無言惕惕如人將捕之又曰太陽之脈其終也戴眼反折瘕瘕其色白絕汗乃出出則死矣（王注戴眼謂睛不轉而仰視也）（按足太陽之脈起於目內眦上額交顛從顛絡腦別出下項循肩膊夾脊抵腰至足手太陽之脈起於手小指之端循臂上肩入缺盆（肩下橫骨陷中）上頰至目內眦與足太陽合此戴眼反折瘕瘕所以相因而至也反折腰背張弓也瘕瘕手足攣掣也）

今六脈右沉左絃、陽虛自汗、變爲慢驚（腦膜炎）、戴眼無神、病源由於疹後虛損、誤食涼物不能消化、因而發熱、更服涼藥太過、腎陽外溢（腎炎）致成發頤、噤口、牙關緊閉、反折痙癇、姑擬收汗還陽、用冀萬一、

北五味三分

姜附片

細辛各五分

空遠志七分

鹽殭蠶一錢

姜南星

補骨脂

各錢半

高麗參

乾地黃肉桂三分打末

各四錢

羅道長脹閉證

主心腎

素問診要濟終論曰、少陰終者、面黑齒長而垢、腹脹閉、上下不通而終矣、（王注、手少陰氣絕、則血不流、足少陰氣絕、則骨不更、骨硬則斷、上宣故齒長而積垢、汚血壞則皮色死、故面漆黑而不赤也、）接足少陰腎脈、從腎上貫肝、鬲入肺、手少陰心脈、起心中下鬲絡小腹、故其終、則腹脹閉而上下不通也、

今六脈尺寸沉遲、兩關促代、目陷羞明、腰際急沉、小腹脹閉、上下不通、病爲精血兩枯、久服寒墮、殊非所宜。

當歸身

白茯苓

生白芍

各四五錢

制菟絲

蒸狗脊

茜草根

甘菊花

各一二錢

青龍齒

石決明

猺玉桂

各一錢

九節菖蒲

七分

米統領嘔逆證

主脾肺

素問診要經終論曰、太陰終者、腹脹閉不得息、善噫、善嘔、嘔則逆、逆則面赤、不逆則上下不通、不通則面黑、皮毛焦而終矣。○舉痛論曰、寒氣客於腸胃、厥逆上出、故痛而嘔也。○脈解篇曰、所謂食則嘔者、物盛滿而上溢、故嘔也。

今六脈脾胃濡實、心肺絃濡、兩尺濡緩、舌苔薄白、肺氣不揚、病源由於胃府擴張、胃管縮小、致胃之下口與小腸上口、窒而不通、呃逆出於關元（副證在十二指腸）

應鼓腸以正胃、通胃以健兩焦、使肺氣得壓迫大腸而化糟粕、宜通胃湯加減（參老醫軌）

炒白芍

双半

金石斛一兩

白茯苓

炒扁豆

各八錢

炒當歸五錢

炙沒藥

炒橘皮

姜半夏

各三錢

姜厚朴

內金粉

各一錢

高良姜五分

眞肉桂三分

鹿尾巴二節

洗氏子目覈證

主焦胆

素問診要終經曰、少陽終者、耳聾、百節皆縱、目覈絕系、一日半死、其死也、色先青白、乃死矣、（按足少陽胆脈、起於目銳眥、上抵頭角、下耳後、入耳中、出走耳前、手少陽三焦脈、其支亦從耳後、入耳中、出走耳前、故終則耳聾也、少陽主骨節、故氣終則百節繼緩、色青白者、眞脈見也、目覈、目直視如突驚貌、亦胆絕之表現也、）

今六脈左關浮急、舌縮苔藍、眞藏脈見、胆汁已枯、大氣不舉、目畏耳聾、骨節懈弛、生機甚微、姑以收陽翼焦、扶肝還胆、希冀萬一。

北五味一分

枸杞子三分

玉桂五分

制菟絲子

炒橘皮

姜南星

陳胆星

各錢半

炒當歸

炒佛手

乾地黄

細辛羌活
三分打入

各四錢

炒白芍一兩

金先生膝僂證

主筋

素問脈要精微論曰、膝者筋之府、屈伸不能、行則僂跗、筋將憊矣。○痿論曰、肝氣熱、則胆泄口苦、筋膜乾、筋膜乾、則筋急而攣、發爲筋痿。

今六脈肝部雙絃、餘皆沉濇、沉爲氣虛、濇爲血少、雙絃爲肝迴管有濕、所以見證、從足大指叢毛之際、循跗臑上行、直至心色絡、時覺筋脈抽痛、應補血柔肝、補肝活筋。

免成筋痿

當歸身

炒絲瓜絡

各四五錢

姜炒橘絡

姜半夏

炒佛手

各錢半

甘草一錢

羌活

牛膝

遠志筭

各七分

黃氏女舌卷證

主心

素問脈要精微論曰、心脈搏堅而長、當病舌卷不能言、(王注、搏謂搏擊也、諸脈搏堅而長者、皆為心勞氣虛、手少陰心脈、從心系上挾咽喉、故令舌卷短而不能言)今六脈心肝絃長、餘皆虛、舌苔乾絳、舌為心苗、心藏血、虛而熱、時有驚悸、病源由於無故受驚、震動神經、因而舌縮、語言不楚、應引血歸心、柔肝開竅、宜轉舌湯

當歸身

硃茯神

乾地黃細辛打

各四錢

茜草根

遠志肉

熟棗仁

九節菖蒲

各七八分

辛夷

龍胆草

姜黃連

各三五分

天麻

酒白芍

各二三錢

黃君唾血證

主肺

素問脈要精微論曰、肺脈搏堅而長、當病唾血、其莢而散者、當病灌汗、（王注、灌汗、謂寒水灌洗、皮密汗藏、此注恐誤、余謂灌汗、乃指肺氣太虛、汗出如灌水也、參考下舉灌汗證）

今六脈皆異、獨肺部搏長、心部散漫、舌苔薄白、咳嗽有痰、中帶血絲、或如粉點、是爲唾血、與其他吐衄不同、擬粉丹飲、

天花粉

牡丹皮

生地黃

破浙貝

廣橘紅

北五味

白茯苓

蛤粉

吉梗

清竹茹

陶翁頭傾證

主督脈

素問脈要精微論曰、頭者精明之府、頭傾視深、精神將奪矣、

今六脈柔大、兩尺搏長、舌苔厚膩、脾胃失司、腰腎不舉、頭項傾斜、病在奇經督脈、非專賴草根皮能治、宜參用血肉有情之品、以鞏奇經、

鹿角膠

豬腎

羊脊髓

蒸狗脊

枸杞子

乾地黃羌活打入

骨碎補

破固脂

杭甘菊

牛脚筋

酥炙龜板

姜附片

繇玉桂

沙苑蒺藜

肉從容

林君折腰證

主腎

素問脈要精微論曰、腰者腎之府、轉搖不能、腎將憊矣、骨者髓之府、不能久立、行則振掉、骨將憊矣、又曰、腎脈搏堅而長、當病折腰、又曰、按之至骨、脈氣少者、腰脊痛、而身有痺也、

今六脈虛弱、兩尺沉搏、舌苔明澹、胃氣平常、腰沈骨痛、不能久立、背脊屈伸不利、有

時眼花耳鳴、腎虧已甚、是爲骨髓消亡、可扶腰湯、

補骨脂

制兔絲子

沙蒺藜

各錢半

杭甘菊

乾地黃

生薏仁

各四錢

骨碎補

淡從容

炒蔓荊

各一錢

枸杞子三分

肉桂一分

尉遲君視誤證

主目

素問脈要精微論曰、夫精明者、所以視萬物、別黑白、審長短、以長爲短、以白爲黑、如是、則精衰矣、(王注、精明衰、乃誤也、)

今六脈虛、而心腎尤甚、舌苔黃薄、不甚思食、眼光昏眩、長短黑白、常常誤視、且心甚疑忌、以繩爲蛇、以衣爲鬼、是爲精明衰敗、在西方稱爲神經病、宜存神湯、

當歸身

乾地黃

杭甘菊

生白芍

各四錢

潼夕利

石決明

生薏仁

各二三錢

羌活

川芎

制兔絲子

茜草根

青箱子

各一錢

枸杞子三分

張君氣恐證

主臆中

素問脈要精微論曰、中盛藏滿、氣勝傷恐者、聲如從室中言、是中氣之濕也、言而微、終日乃復言者、此奪氣也、

今六脈沉澹、左寸尤甚、舌苔澹白、舌縮不伸、昏昏喜睡、終日微言、言不可聞、聞動則驚、聞響則怒、是為先則氣盛、繼則氣奪、濕困臆中、名曰氣恐、氣恐者、氣不行而震恐也、可舉氣湯、

鹽炒絲瓜絡

炒當歸身

硃茯神

乾山藥

各四錢

茜草根

煨益智

蓮花須

生棗仁

人參須

各一錢

空遠志

姜汁黃連

細辛

龍胆草

各五分

北五味

肉桂心

各三分

姜君折髀證

主脾胃

素問脈要精微論曰、胃脈搏堅而長、其色赤、當病折髀、（王注、胃陽明脈、從氣衝下髀、抵伏兔、故病則髀如折也、）

今六脈絃實、獨肺沉少氣、脾奠無力、舌苔厚膩、胃氣不揚、宗筋懈弛、髀痛如折、病在陽明、經曰、陽明者、主潤宗筋、主束骨而利機關者也、此證宜健脾胃、理衝任、

炙內金粉

炒扁豆

炒白芍

炒當歸

廣陳皮

煨益智

姜厚朴

炒荳蔻

乾山藥

蒸首烏

炒白朮肉

張逢君消中證

主濕熱

素問脈要精微論曰、痺成爲消中、（王注、痺、謂濕熱也、熱積於內、故變爲消中也、）

奇病論曰、有病口甘者、病名爲何、曰、此五氣之溢也、名曰脾瘴、此人必數食甘美而多肥也、肥者、令人內熱、甘者、令人中滿、故其氣上溢、轉爲消渴、治之以蘭、除陳氣也、○氣厥論曰、心移寒於肺、則肺消、肺消者、飲一溲二、死不治、○今六脈左絃細而右洪芤、舌苔厚膩不化、能食善饑、飲一溲二、津有甜味、溺色黃如甘草、舐之亦甜、是爲脾肺皆熱、名爲消瘴、亦曰消渴、乃兼證也、西方名爲糖尿病、應生津挹液、除熱去消、

天花粉一兩

金石斛

杭甘菊

石蓮肉

生白芍

各四錢

破麥冬

破浙貝

佛手柑

各二錢

元參

澤蘭

各錢半

川黃連五分

陳氏婦心痛證

主寒

素問舉痛論曰、寒氣客於背膂之脈、則血脈澹、血澹則血虛、血虛則痛、其俞注於心、故相引而痛、按之則熱氣至、熱氣至則痛止矣、○氣穴論曰、背與心相控而痛、所治

在天突與七椎及上紀（天突，即食管，七椎，背脊第七椎骨，上紀，胃脘也。）〇厥論曰少陰之厥，則口乾溺赤，腹腹心痛。

今六脈沉着，心腎尤甚，舌苔乾白，心痛如挖，痛不可忍，按之小止，冷汗如豆，渴不喜飲，好熱惡寒，是真心痛，是爲寒厥心痛，應驅寇姜附複方。

炒當歸

煨益智

炒荳蔻

姜附片

貓玉桂

炙乳香

炙沒藥

五靈脂

炒香附米

炒蒼朮

北五味

煨姜

陳楊氏脅痛證

主肝

素問舉痛論曰：寒氣客於厥陰之脈，厥陰之脈者，絡陰器，繫於肝，寒氣客於脈中，則血澀脈急，故脅肋與小腹相引痛矣。厥氣客於陰股，寒氣上及少腹，血澀在下相引，故腹痛引陰股。〇厥論：厥陰之厥，則少腹腫痛腹脹，溼洩不利，好臥屈膝，陰縮腫脰。

內熱

今六脈沉澹、左關尤甚、舌苔藍薄、飲食不進、脇痛甚劇、少腹牽引如刺、腰斷若斬、有時厥不知人、是爲寒氣客於厥陰、血脈凝澀、應解肝湯。

全當歸一兩

川芎

炙沒藥

炙乳香

酒白芍

各八錢

姜炒橘絡

炒佛手

各四錢

炒靈脂

炒香附

各二錢

酒元胡

川鬱金

南木香

各錢半

吳萸五分

炒柴胡一錢

煨姜五片

王君腸痛證

主熱

素問舉痛論曰、熱氣留於小腸、腸中痛、痺熱焦渴、則堅乾不得出、故痛而閉不通矣。今六脈左絃實而右絃細、左尺尤甚、舌苔乾糙、津液乾枯、大腸爆焦、下焦氣脹、所以不通、應生津挹液、和腸翼焦。

釵石斛

天花粉

生白芍

杭甘菊

柏子仁

大麻仁

各四錢

炒枳實

淫羊藿

郁李仁

佛手柑

各一錢半

木通一錢

朱氏婦喘證

主寒

素問舉痛論曰、寒氣客於衝脈、衝脈起於關元、隨腹直上、寒氣客則脈不通、脈不通則氣因之、故喘動應手矣、（王注、關元穴名、在臍下三寸、）今六脈單絃、而腎沉急、舌苔灰膩、胃氣不揚、泛泛欲嘔、喘促引動關元、搏蹕與人迎相應、此爲衝脈寒客不去、西方以爲子宮閉、其說近是、應臨衝湯、

吳黃五分

炒黃

三分

炒當歸五錢

茜草根一錢

姜炒橘皮

姜竹茹

炒香附米

各錢半

藿香梗

旋覆花

姜半夏

澤蘭

各一錢

土茯苓四錢

蔣司理腦風證

主寒

素問風論風氣循風府而上、則為腦風、靈樞海論腦為髓之海、其輪上在於其蓋、下在風府、又曰髓海不足、則腦轉耳鳴、脛痠、眩冒、目無所視、懈怠安臥、今六脈左大右小、左絃右遲、舌苔中剝邊絳、舌為心苗、寒氣入於風府、外閉汗空、心
肺受邪、所以頭痛如劈、而神識不清、病源由於夜半受風、風中腦蓋、應辛溫開竅、行
血去風、開竅去風、為補腦之正方、

炒白芍一兩半

當歸頭

乾地黃

細辛三分打

姜橘絡

各四錢

骨碎補

炒佛手

姜南星

炒蔓荊

各一錢半

九節菖蒲

藁本

空遠志

羌活

各七分

吳九峰丈脾風證

主濕

素問風論以季夏戊己傷於邪爲脾風又曰脾風之狀多汗惡風身體怠惰四支不欲動色滿微黃不嗜食診在鼻上其色黃

今六脈濡大無力右關弱小舌苔厚膩四支怠惰胃氣不揚脾藏失運風中脾絡不能復出病源由於勞心傷血勞腎傷氣勞胃傷食勞脾傷濕內風煽動外風隨之理應扶脾不專治風

炒白芍

炒當歸

炒扁豆

各八錢

乾地黃

姜炒橘絡

白茯苓

各四錢

焦於朮

鹽炒黃耆

南木香

各錢半

炒荳蔻

煨益智仁

威靈仙

各一錢

羌獨活

鹽殭蠶

姜南星

炙內金粉

各七八分

北五味

熟棗仁

各三分

劉翁首風證

主溼

素問風論新沐中風則爲首風又曰首風之狀頭面多汗惡風當先風一日則病甚頭痛不可以出內至其風日則病少愈（孫恩邈云新沐浴竟取風爲首風）今六脈絃大而濡左尺右寸尤甚絃爲風絃大爲氣虛濡爲溼濡甚爲風溼相搏頭痛腦重多汗惡風不能外出病由沐浴而得是爲首風應清陽飲

白芷

白雲母

各二錢

川芎

防風

藁本

各一錢

酒白芍

茯苓皮

各四五錢

吉梗

升麻

炒蔓荊子各五分

葱白二根

生姜一片

唐氏蟠行痺證

主風寒溼

素問痺論曰風寒溼三氣雜至合而爲痺也其風氣勝者爲行痺又曰以冬遇此者爲骨痺以春遇此者爲筋痺（按行痺者謂痺在筋骨而能移動也與痛痺着痺累

有不同、凡痺久不愈、多成膝腫、俗名鶴膝風、而行痺則一二月不愈、便成鶴膝矣、因行痺風勝、風善行而數變、故也、又曰、故骨痺不已、復感於邪、內舍於肝、

今六脈沉着、而肝腎絃濡、舌苔明絳、微灰、兩脇腫痛、得於去冬、而發於今春、是爲痺在筋骨、風腫漸上膝蓋、恐成鶴膝、應蠲痺湯加減、

酒洗當歸

酒乾地黃

炒薏仁

酒白芍

姜炒橘絡

漢防己

帶皮茯苓

獨活

牛膝

檳榔

威靈仙

五加皮

川續斷

炒柴胡

防風

官桂

王 痛痺證

主寒

素問痺論曰、寒氣勝者、骨痛痺、又曰、以冬遇此者爲骨痺、以秋遇此者爲皮痺、又曰、皮痺不已、復感於邪、內舍於肺、又曰、淫氣喘息、痺聚在肺、又曰、痛者、寒氣多也、有寒

故痛也。寒者陽氣少、陰氣多、與病相益、故寒也。

今六脈沉着至骨、右寸反濡、舌苔灰白、肺氣上壅、兩脇腫痛、不能行動、動則痛徹骨髓、得於去秋、成於去冬、是為痛痺、寒氣勝也、應蠲痺加姜附湯。

酒洗當歸

酒乾地黃細辛打

酒白芍

川芎

漢防己

帶皮苓

骨碎補

炒橘皮

威靈仙

南木香

姜竹茹

姜南星

姜附片

官桂

獨活

生姜

胡女士着痺證

主溼

素問痺論曰、溼氣勝者為着痺也、又曰、以夏遇此者為脈痺、以至陰遇此者為肌痺、又曰、脈痺不已、復感於邪、內舍於心、肌痺不已、復感於邪、內舍於脾、一王注、至陰、謂戊己月土寄土也、又曰、脾痺者、四支解墮、發咳嘔汁、上為大塞、又曰、溼氣肌絕、痺

聚在脾、

今六脈濡緩、而心脾急沉、舌苔澹黃、不甚飲食、病痺五年、初尙堪緩步、繼則脚重不能舉、今則不可下牀矣、此證必得於長夏、當係出外汗出、乘熱沐浴、因成着痺、痺在肌肉、故不知痛、應蠲痺驅寇複方、

炒扁豆

炒當歸

炒白芍

漢防己

炒米仁

帶皮苓

乾地黃

各四五錢

炒橘皮

姜半夏

獨活

五加皮

炙內金

煨益智

南木香

藿香梗

各一錢

威靈仙

茜草根

各五分

肉桂三分

鄧君肉痿證

主脾胃

素問痿論曰、脾氣熱、則胃乾而渴、肌肉不仁、發爲肉痿、○痺論曰、痺在於肉則不仁、

在於皮則寒、

今六脈洪革、右關絃代、舌苔乾黃、胃氣炎上、津液枯竭、消穀善饑、肌肉瘦削、形寒神熱、內熱外寒、行動不仁、灼不知痛、是爲肉痿、宜嘔脾湯（脾爲魚形、故以嘔名）

杭甘菊

生薏仁

生白芍

生扁豆

天花粉

大麻仁

柏子仁

各四五錢

川黃連

龍胆草

各五分

釵石斛

佛手柑

葡萄乾

白當歸

生地黃

各三錢

胆遠志七分

金先生脈痿證

主心腎

素問痿論曰、心主身之血脈、腎主身之骨髓、心氣熱、則下脈厥而上、上則下脈虛、虛則脈生痿、樞折挈脛、縱而不任地也、（王注、心熱盛、則火獨光、火獨光、則內炎、故腎脈亦隨火炎燦、而逆上行也、心氣通脈、故生脈痿、腎氣主足、故膝腕樞紐如折、而不

相提挈、脛筋縱緩而不能任用於地也。

今六脈心腎散漫、肺部反絃、心火內灼、骨髓內枯、脛僵跗奕、不能任地、勉強行動、必須扶壁、是爲脈痿、病得之傷於酒色、非一朝一夕之故矣、宜合脈湯。

破麥冬

一錢五分

元參二錢

白當歸

生白芍

乾地黃

各五錢

蒸玉竹三錢

佛手柑

牛膝

獨活

酸棗仁

各一錢

北五味三分

地骨皮七分

枸杞子五分

高氏妾肺痿證

主熱

素問痿論曰、肺者、藏之長也、爲心之蓋也、有所失、無所求、不得則發肺鳴、鳴則肺熱、葉焦、五藏因肺熱、葉焦、發爲肺痿、此之謂也、又曰、肺熱者、色白而毛敗、○痺論曰、淫氣喘息、痺聚在肺、又曰、不與風寒溼氣合、故不爲痺。

今六脈散漫、肺部反絃、但絃而細數、有如游絲、舌苔薄白、胃氣不揚、肺氣上壅、因而喘鳴、津液失潤、肺葉焦枯、因而藏痿、復因生產未久、傷於冷飲、雖不成痺、亦已告癆、宜活肺湯、

破麥冬

破天冬

破浙貝

各錢半

生地黄

茯苓塊

金石斛

天花粉

各四錢

萎蕤

白薏仁

橘紅

各一錢

吉梗

紫菀

人參須

淡竹葉

各七八分

北五味乙分

何檢事胃癰證

主熱

素問病能論曰、人病胃脘癰、診當何如、曰、診此者、當候胃脈、其脈當沉細、沉細者氣逆、逆者人迎甚盛、甚盛則熱、人迎者胃脈也、逆而盛、則熱聚於胃口而不行、故胃脘爲癰也、（王注、胃脈循喉、嚙而入、缺盆、故云人迎者胃脈也、）

今六脈左寸洪大、而右關沉細、舌苔黃糙、中有蝕點、舌爲心苗、舌蝕爲血液不清、胃痛不能食、并不引飲、飲亦倒流、吐痰如絮、兼有臭味、是胃脘生癰也、宜清胃湯、

生赤芍

白芷

天花粉

粉葛根

乳香

沒藥

甘艸節

生地黃

忍冬花

破浙貝

槐蟲

生黃耆

當歸尾

皂角鍼

虞君酒風證

主溼熱

素問病能論曰、有病身熱解墮、汗出如浴、惡風少氣、此爲何病、曰、病名曰酒風、○風論曰、飲酒中風、則爲漏風、

今六脈虛芤、肺部散漫、舌苔乾絳、胃氣不揚、四支懈惰、身熱有汗、汗出如雨、惡風而渴、平時喜飲、復喜辛辣、酒性發酵、辛辣傷肺、肺管伸縮太過、因而呼吸少氣、易引外風入肺、遂成酒風、亦名漏風、又曰沓風、宜修管飲、

胆汁遠志筍

白朮

粉葛根

白茯苓

白豆蔻

白扁豆

六神曲

金銀花

川厚朴

佛手柑

白芨

澤瀉

夏世兄巔疾證

主胎驚

素問奇病論曰、人生而有病巔疾者、病名曰何安所得之、曰病名曰胎病、此得之在母腹中、時其母有所大驚、氣上而不下、精氣并居、故令子發爲巔疾也、（巔、高也、主頭首、故西方稱爲神經病、）

今六脈沉着、而兩寸急、絃舌苔乾絳、舌本木強、伸縮不任、舌爲心苗、心爲脈舍、陽氣并於心、致脈絡急張、靈竅反閉、因而靈明蒙瞶、喜恐無常、語言不楚、宜引血歸心、開竅轉舌、

當歸身五錢

硃茯神四錢

川芎一錢

辛夷三分

乾地黃六錢

細辛羌活
各三分打

九節菖蒲七分

生白芍六錢

姜黃連

龍胆草

各五分

熟棗仁

炒橘絡

姜南星各錢半

遠志肉

炒蔓荊子

各八分

天麻二錢

按夏世兄爲夏述庵廳長公子，更有哈雲裳將軍公子，陳伯騶道尹公子，傅祕書佛閣公子，雖所患輕重有間，所受或異，而病狀畧同，此證非經年累月，不易治愈，其十日而效者，惟華僑黃姓女兒一人而已。

邵君瘡痺證

主肺腎

素問脈解篇曰：內奪而厥，則爲瘡脈，此腎虛也。○痿論曰：腎氣熱，則腰脊不舉，骨枯而髓減，發爲骨痿。又曰：肺熱葉焦，則皮毛虛弱，急者則生痿躄也。

今六脈左沈着而微細，右虛芤而促代，舌苔灰藍，胃氣不揚，肺部少氣，音啞膚黑，骨

肉瘦削、皮毛焦枯、五藏皆萎、而心腎肺尤甚、病源由於傷酒、更傷於色、成爲瘖痺、又因醫治失當、證候日深、目下當無大碍、至秋恐無治理、姑制復藏湯、用觀後效、（參考黃溪校議）

乾地黃細辛打

當歸身

絲瓜絡

生薏仁

姜炒橘絡

杭甘菊

炒白芍

破浙貝

姜南星

天麻

破麥冬

破天冬

空遠志

炒佛手

西洋參

潞黨參

高麗參

北五味

白芨

美國葡萄乾

徐氏婦伏梁證

主心腎

素問腹中論曰、人有身體髀股肱皆腫、環臍而痛、是爲何病、曰病名伏梁、此風根也、其氣溢於大腸、而着於盲、盲之原在臍下、故環臍而痛也、不可動之、動之爲水溺瀆

之病。(此節亦見奇病論中、男人有髀、女子無髀、此言髀、脰、舉成數也、)
今六脈沉伏、心腎尤瀋、舌苔薄白、血不歸心、氣不歸腎、心下有積、大如兒臂、環臍而痛、名曰伏梁、病源由於風入腎宮、大腸氣壅、更因腦鬱傷心、血凝不散、積久成形、不宜攻下、應通盲丸、

炙沒藥二錢

姜黃連

炒丹參

姜厚朴

各一錢

當歸尾五錢

川鬱金

炒香附末

炙乳香

各七八分

木通

焦於朮

各錢半

三七五分

莫季樵先生厥逆證

主腦

素問奇病論曰、人有病頭痛、以數歲不已、此安得之、名爲何病、曰、當有所犯、大寒內至骨髓、髓以腦爲主、腦逆故令頭痛、齒亦痛、病名曰厥逆、

今六脈左藏濡緩、右藏急絃、六腑沉滯而伏、頭頸僵痛、口舌木彊、旋轉說話、皆不能

自如、心煩意躁、容易惱怒、病源由於犯腎太過、腎髓枯竭、不能涵養神經、致肝扇張舉、引動眞陽、內風煽惑、外風隨之、風戀風府、中氣虛矯、心包變態、心藏作脫出形、癱留上齶、遂成流注、病已三年、可云根深蒂固、縱覽前手方劑、可二百紙、都是隔靴搔癢、且大半重用北耆、多至兩許、惟恐惡風邪客不留、庸醫誤人、曷勝浩歎、對證發藥、擬寧髓湯、

當歸身

硃茯神

酒白芍

乾地黃

炒柏子仁

各四五錢

茜草根

絲瓜絡

明天麻

各二錢

潼蒺藜

金狗脊

制菟絲子

蒸續斷

各錢半

秦朮一錢

羌活

細辛

姜黃連

各三五分

按厥逆者、謂厥氣上逆也、何謂厥氣、卽肝腎至陰之濁氣也、肝與心包絡爲厥陰、心腎爲少陰、三陰以厥陰爲闔、少陰爲樞、心腎相通之路、在於脊椎肝

與心包絡相通之道、在於任脈、任行於身前、督行於背脊、督任互相升降、有如槓環之電燈線、故腎病而心亦病、心包病而肝亦病、馴至督任頭脊腦齒、無一不病、因有連瑣之關係也、素問名本病曰厥逆、不以複雜證狀命名、而以病理歸納命名、中國醫學之深湛在此、宜淺嘗者、不得其門而入也、

屈小姐胞閉證

主奇經八脈

素問評熱論曰、月事不來者、胞脈閉也、胞脈者、屬心而終於胞中、今口氣上迫肺、心氣不得下通、故月事不來也、

六脈近狀、右部絃長、左部沉濡、氣行而血貧、脈通而胞閉、歷診一月、他病皆除、迭服動血通經、尙未應、制行血啓胞湯、

當歸尾一兩

川芎

生蒲黃

各四錢

川鬱金

牛膝各一錢

五靈脂三錢

九節菖蒲錢半

細辛

吳萸各三五分

陳姥胆瘕證

主熱

素問奇病論曰有病口苦病名爲何何以得之曰病名曰胆瘕夫肝者中之將也取決於胆咽爲之使此人者數謀慮不決故胆虛氣上溢而口爲之苦治之以胆募俞（募俞穴也在前曰募在背曰俞）

今六脈洪大獨右關弱小舌苔厚黃唇乾口苦面目熏黃左腹脹痛大便不通小便亦短不能納穀納亦不消是爲胆瘕亦曰胆枯宜還胆湯

炒當歸

茯苓塊

大麻仁

柏子仁

金石斛

鹽陳皮

姜半夏

炙沒藥

龍胆草

姜黃連

木通

澤蘭

按孫中山先生亦患此證乃醫者僞造肝癌之名以欺世余期期聲辨不聽

也、及逝後解剖、果見胆沙、（參考余著醫軌胆枯一篇、及黃溪校議孫總理病證之研究原論、）近日醫生、不知以爲知、自誤而誤人、蓋中西一轍矣、此余所以獨取德醫皮歐博士也、

董君腎風證

主氣虛

素問奇病論曰有病龐然如有水狀切其脈大緊身無痛者形不瘦不能食食少名爲何病曰病生在腎名爲腎風腎風而不能食善驚驚已心氣痿者死今六脈絃緊兩腎虛孔舌苔糙白胃氣不揚頭面四肢虛腫有如水狀骨節酸軟腰際急沉心中驚恐是謂腎風爲勞所得宜鞏腎息風湯

當婦身

白茯神

乾山藥

炒柏子仁

各四錢

炒杜仲

補骨脂

金狗脊

各錢半

石決明

二錢

熟棗仁一錢

志肉七分

姜汁黃連五分

官桂一分研末沖

吳翁癰證

主肺胃

素問奇病論曰有癰者一日數十洩此不足其病安在曰病在太陰其盛在胃頗

在肺、病名曰厥、死不治、

今六脈微細、肺脾尤甚、然左寸反洪、舌苔乾燥、身熱喘息、肺氣逆行、不能食而喜飲、日數十洩、無大便是爲罷癘、乃肺氣凌胃、而胃關不固也、可鞏胃湯、

桑白皮

絲瓜絡

各一錢

生白芍

杭甘菊

天花粉

金石斛

各四錢

煨牡蠣

石蓮肉

各三錢

張君心疝證

主寒簿

素問大奇論曰、腎脈大急沉、肝脈大急沉、皆爲心脈搏滑急爲心疝、今六脈沉急而心獨芤、且咕咕作響、舌苔焦膩不化、肝氣內溢、胃氣逆行、是爲心藏有溼、寒氣內簿、名曰心疝、可鞏心湯、

鹽炒絲瓜絡

炒薏仁

炒當歸

硃茯神

各四錢

熟棗仁

遠志肉

各一錢

鹽炒橘皮

姜半夏

茜草根

炙沒藥

炙乳香

各錢半

姜厚朴七分

姜汁黃連五分

生姜二片

孫太太肺疝證

主藏塞

素問大奇論曰肺脈沉搏爲肺疝（王注寒薄於藏故也）（○）太陰陽明論曰喉主天氣咽主地氣故陽受風氣陰受溼氣○陰陽應象大論曰天氣通於肺地氣通於
噓

今六脈絃緊而肺獨沉舌苔焦膩胃氣不揚聲啞口淡時有虛汗肺氣不行肺絡有
溼呼吸短氣是爲肺疝可溫肺湯

北五味子三分

姜炒橘絡

炒絲瓜絡

各二錢

姜半夏

姜南星

吉梗

各七八分

炒當歸五錢

炙乳香

炒佛手

錢半

炒遠志筋

煨訶子

蒸紫苑

制菟絲子

各一錢

黃君藏菀證

主腎

素問大奇論曰、脈至如偃刀、偃刀者、浮之小急、按之堅大、急五藏菀熟、寒熱獨并於腎也、如此其人不得坐、立春而死、

今六脈浮緊、兩腎堅大、舉之似虛、按之大實、形如薄刃、寒熱迭乘、形寒神熱、骨僵不欬坐、坐則筋脈抽痠、藏府動蹕、名爲藏菀、藏菀者、邪客併於腎部、故也可柔腎湯、

乾地黃

細辛羌活五分打入

八錢

地骨皮七分

生白芍

白茯苓

杭甘菊

柏子仁

大麻仁

各四五錢

姜黃連

青木香

茜根炭

各五分

丹參

苦參

各一錢

當歸

佛手柑

各錢半

白菓肉十枚

丁君肝雍證

主血熱

素問大奇論曰、肝滿、腎滿、肺滿、皆實、即爲腫、肝雍、兩胛滿、臥則驚、不得小便、今六脈絃虛、而左關獨實、舌苔灰絳成條、口苦欲嘔、兩胛隱痛、綠痰如絮、吐之不盡、饑不欲食、食亦不消、此肝癰也、宜清血救肝、化痰保胆、

生白芍一兩半

當歸身 石甘露 各一兩

蒲工英

忍冬花

破浙貝

天花粉

各五錢

佛手柑

生甘草

三錢

龍胆草

木通

各一錢

王君肺雍證

主風熱

素問大奇論曰、肺之雍、喘而兩胛滿、（王注肺藏氣而外主息、其脈支別者、從肺系橫出腋下、故喘而兩胛滿也、）

今六脈洪實、而右寸尤甚、舌苔薄白、時吐臭痰、有如敗絮、兩胛氣滿、喘不得臥、鼻塞

不聞香臭、項強、遺尿自汗、是爲肺癰、可保肺湯、

生薏仁

天花粉

吉梗

川貝

熱百合

丹皮

破麥冬

生甘草

夏枯草

忍冬花

白朮

甜葶藶

甘草節

石甘露藤

沈氏婦癥證

主血瘀

素問大奇論曰、腎脈小急、肝脈小急、心脈小急、不鼓皆爲癥、
今六脈左部沉緊、右部絃虛、不甚應指、舌苔乾絳、胃氣不揚、小腹有形、按之微痛、經
停三月如懷孕狀、此非氣病、乃血凝衝脈而成癥也、應滌癥湯、

當歸尾

酒白芍

各五錢

川芎

炙乳香

炙沒藥

五靈脂

各一錢

川鬱金

黑芥穗

酒元胡索

各七分

桃仁泥五分

澤蘭二錢

陳咨議石水證

主腎溼

素問大奇論曰、腎肝并沉爲石水、

今六脈沉濇、左尺尤甚、左尺爲腎宮、所合爲膀胱、腎脈貫脊、絡於膀胱、溼入腎部、所以腰際急沉、日覺重墮、因腎爲圓錐體、入易而出難也、可啓腎導溼湯、

炒薏仁六錢

炒芡實

絲瓜絡

石蓮肉

帶皮苓

白茯苓

各四錢

制菟絲餅

木通

炙沒藥

炒橘皮

姜半夏

各錢半

肉桂三分

黑芥穗五分

炒白朮肉十枚

按石水一證、時醫多以金匱腎氣丸爲主、可謂逆治矣、陳咨議得此證、余排衆議、特製本方、一劑輕、三劑已、嗣後粵人盧君、得是證七八年、奇經八脈皆已脹大、不僅腰墮、而且脚腫臍凸、小腹如五石觚、亦以此方與之、病

良己今夏胡益卿先生令郎亦得此證、同社陳啓成助教、約余治之、不須四劑也、益信靈素之舉病、爲確切不移、而歷代名醫方劑、或舉萬而遺一焉、彼嚮壁虛造、與以藥試病之陋醫、尙念旃哉、

方記室目眇證

主腎

素聞脈解篇曰、陰陽內奪、故目眇眇無所見也、

今六脈、肝腎沉澹、心肺反絃、舌苔明澹、心內煩躁、肝氣橫奪、清陽不升、重濁不降、氣血凝淤、因成外障、東垣先生曰、目能近視、責其有水、法當補心、不能近視、責其無水、法當補腎、今依此理、可清障飲、

杭甘菊

生白芍

乾地黃

當歸身

石決明

硃茯神

各四五錢

沙蒺藜二錢

川黃連

枸杞子各五分

熱棗仁

遠志肉

霜桑葉

各七八分

朱會診肺虛證

主氣

素問通評虛實論曰、邪氣盛則實、精氣奪則虛、又曰、氣虛者、肺虛也、氣逆者、足寒也、今六脈沉革、而右寸獨芤、舌苔澹白、胃氣不揚、肺氣下沉、呼吸少氣、腰脊痠楚、肢滿足寒、津液枯躁、肺虛已甚、應扶心腎、以暢肺葉、

北五味子一分

枸杞子三分

白芨

茜草根

熟棗仁各五分

煨訶子

破麥冬

人參鬚

各一錢

白茯苓

白當歸

各四錢

制菟絲餅

煨益智

佛手柑

各錢半

杭甘菊五錢

吳氏女重實證

主肺熱

素問通評虛實論曰、何謂重實、曰、所謂重實者、言大熱病、氣熱脈滿、是謂重實、今六脈洪數、無論肺氣上逆、心藏如焚、大熱不退、兩便皆難、舌苔乾絳、津血兩枯、是

爲重實、乃肺熱也、此證不宜遽予大寒大涼、應生津清熱、潤肺、寫心、可硃黛二茯飲、

硃茯神

青黛茯苓

天花粉

鐵石斛

絲瓜絡

生地黃各四錢

桑白皮

蓮鬚

破麥冬

各錢半

黃連三分

木通一錢

澤蘭

二錢

燈心一束

任氏婦重虛證

主脈病

素問通評虛實論曰、何謂重虛、曰脈氣上虛尺虛、是謂重虛、又曰、所謂氣虛者、言無常也、（脈動無常）尺虛者、行步恇然、（不穩）脈虛者、不象陰也、（王注謂不象太陰之候、非不象陰、卽下文滑則生、濇則死也、不可不辨、）

今六脈虛芤而兩寸帶滑、舌苔明潤、胃氣不揚、心藏跳盪、有如挖空、行步恇怯不穩、骨節緩弛、四肢疲縵、無力、經來血淡、多少不準、此脈病也、名曰重虛、若不急治、將成

崩瘵可補脈湯

北五味子三分

枸杞子五分

破麥冬

熟棗仁

制菟絲子

阿膠

各一錢

高麗參

茜草根

各錢半

白茯苓

炒當歸

各四錢

乾地黃

乾山藥

各五錢

何首烏二錢

炒白菓肉二十枚

陳氏婦血枯證

主肝腎

素問腹中論曰病名血枯此得之年少時有所大脫血若醉入房中氣竭肝傷故月事衰少不來也

今六脈皆平而肝獨弱小腎次之舌苔中剝四肢時冷骨節常痠目眩頭暈如坐行船月事久停此肝病也婦人以肝爲主肝病而腎亦病因成血枯之證宜補肝扶腎

當歸身

酒白芍

乾地黃

各四錢

姜炒橘皮

炒麥芽

姜半夏

炒杜仲

制菟絲子

各錢半

川芎

酸棗仁

雲母石

各一錢

羌治

吉梗

遠志肉

各七分

王氏子脾衰證

主津液

素問太陰陽明論曰、脾病、而四支不用何也、曰、四支皆稟氣於胃、而不得至徑、必因於脾、乃得稟也、今脾病、不能爲胃行其津液、四支不得稟水穀氣、氣日以衰、筋骨肌肉、皆無氣以生、故不用焉、
今六脈沉細、右關虛芤、舌苔淡白、股肉痿黃、胃氣不揚、脾藏失運、虛汗不收、津液枯竭、久而不治、將成脾勞、可澤脾湯、

杭甘菊

生白芍

白茯苓

各四錢

炒扁豆六錢

北五味子一分

枸杞子三分

熟棗仁

炙內金粉

各七分

炒佛手

正藿香

制菟絲餅

各錢半

炒薏仁

葡萄乾各四錢

甘草一錢

先醫謂脾惡溼而喜燥於是後醫治脾病率以砂仁木香青皮等爲主藥豈知脾固喜香燥然果津液失司更服香燥之藥無殊劫津矣此余所以制噴脾澤脾二湯也此二方之効用較諸仲陽東垣二公已進一解况立齋景岳乎况一般時醫乎千百年後必有能辨之者

姜氏婦蠱證

主溼熱

素問玉機真藏論曰少腹冤熱而痛出白一名曰蠱（冤熱即菴熱出白白淫也）
○靈樞熱論曰男子如蠱女子如蛆身體腰脊如解不欲飲食
今六脈忽大忽小忽緩忽絃舌苔中蝕舌爲心苗蝕爲心藏有蟲胃氣中餒肺氣不揚脾絡窒運不能游溢所以小腹惋痛有如蟲行全身疲倦經脈懈弛是名爲蠱藏府中空血液盡白不易救藥姑制鎮椎湯希冀万一

蒸狗脊錢半

忍冬花

絲瓜絡各三錢

炒扁豆四錢

硃茯神五錢

熟黃精三錢

川鬱金

蒸百合各二錢

預知子

訶子肉

白礬

石榴皮各一錢

石菖蒲

甘草節

雄黃各七分

鎮椎湯之命意，因五藏之俞，皆在背椎，蠱病既發，先在心，次在胃，漸次及於肺脾，而肝腎爲後，故得蠱病者，面目黃腫，而出白淫，或誤爲疽，或指爲帶，皆似是而非也。

鄭氏子癘風證

主脈

素問脈要精微論曰：脈風成爲癘。○風論曰：風寒客於脈而不去，名曰癘風。又曰：癘者，有榮氣熱躄，其氣不清，使故其鼻柱壞而色敗，皮膚瘍潰。

今六脈絃數，兩寸倍之，舌苔灰絳，肺氣上逆，風入脈中，營衛雜亂，氣血相攻，鼻壞色

敗癘風已成、證與梅毒近、而治不同、可清癘去風湯

石甘露籐二兩

生白芍一兩

甘草節

天花粉

忍冬籐各五錢

防風

川貝

木通

各三錢

邵襄讞息積證

主脾大絡

素問奇病論曰、病脅下滿、氣逆、二三歲不已、是爲何病、曰病名曰息積、此不妨於食、不可灸刺、

今六脈近狀、肝嘗有餘、脾嘗不足、氣常有餘、液常不足、所以舌苔澹黃、脾藏失運、大便時秘、飯後覺痛、病在脾之大絡、西醫稱爲脾、應甘以輸脾、淡以潤腸、

杭甘菊

生白芍

生薏仁

金石斛

柏子仁

大麻仁

絲瓜絡

炒扁豆

各四五錢

炒當歸

炙沒藥

炒佛手

各錢半

龍胆草

姜黃逆

炒枳殼

各七八分

木通

澤蘭

甘草

各錢

按難經五十六難曰肺之積名曰息賁肝之積名曰肥氣脾之積名曰痞氣心之積名曰伏梁腎之積名曰奔豚息賁二字見於素問陰陽別論靈樞經筋等篇痞與痞塞見於素問常政大論等篇肥氣奔豚則見於靈樞邪氣藏府病形篇伏梁見於素問腹中論奇病論難經本爲解釋內經而作獨不舉息積者蓋先醫自越人而下皆合脾與脾大絡爲一也脾大絡爲脾之橫葉西方名曰胰腺日醫譯曰脾藏位在腸胃中間余於醫軌藏府通詮二書言之綦詳邵襄讞得此證係飲涼藥太過凌伯麟君亦得此證係醫者誤爲夾陰傷寒處方逆治均經余診療而愈若依李東垣先生奔豚等丸原例可名此方曰息積丸用以殿明教百方亦壺中息影積思爲晦之微意也

明教方終

明教百方跋

老友陳无咎醫博著明教百方竟將授諸從游者持以示余余於吾國醫學並無深刻之研究惟間讀黃帝內經及秦越人難經張仲景傷寒論劉河間宣明論方知秦張劉三大醫之學皆由內經而出據无咎云宣明論方之作乃補仲景所未備在河間有當仁不讓之意余校之良然可知孔子之言足爲萬世法也準此推論則无咎之著書其負可知矣德國國家醫院徵厚腸藥於中華無應之者獨无咎以金石斛天花粉黃連厚樸應驗之信也於是奉以漢醫博士之徽號在无咎受之確無愧色據无咎云撒爾遜民族昔爲匈奴突厥故德醫皮歐博士稱中國本草爲寶藏而留德日醫渡邊熙博士尊內經學說爲相對論今之西醫特未洞中醫之奧耳一旦洞澈則吾學將震響於地球余頗信此言爲非妄蓋中醫之不振非學的問題乃人的問題也二百年後實驗余說之當否可先質諸從游者援本方治百病之當否黃

溪之學爲不欺之學、證諸明教百方而益明、立雪陳門諸君子、尙券斯言哉、讀是書者、尙券斯言哉、

中華民國十五年九月羅定黃元白題

